

116
Monseigneur. J'ay desja escrit a V. Ex.^{ce} ^{ce parle Cap. Desme.} pensant qu'il deuoit partir deuant ce messager je luy en repleureray la pluspart, afin que par une voie ou autre, elle soit aduertie de ce qui se passe y aduient & que j'ay encore appris. Au lieu de 10000. bismes qu'on disoit se leuer en Italie par Don Pedro frere du Duc de Flemece, on parle a ceste heure de 20000. Italiens. 10000. Alemans, et 10000. Espagnolz contant ceux, qui sont arriues a ceste heure avec ceux qui estoient arriues au parauant. On equippe tout ce qu'il y a de vaisseaux grans & pens galeres et autres, qui sont en Italie, on fait une grande provision de biscuits. Ceux qui tiennent la tresne du Turc avec le Roy d'Espagne pour asseurer (dont plusieurs doutent toutefois) concluent que ce ne peut estre pour la Barbarie Orientale d'autant quelle le reconnoit, ne pensent point mesmes que ce soit pour Occidentale et pour les Roiaumes de Fez et Maroc ses amis & de mesme Religion. On estime mesmes ces preparatifs trop grans pour seruir entièrement en Portugal ou en Flandre, On ne peut croire mesmes que ce soit pour France pour beaucoup de raisons qui seroient longues a deduire. Sçavoir qu'on est contrainct de sçavoir que c'est pour Angleterre, laquelle assaillant avec quelques intelligences qu'on y pourra auoir, par mesme moyen le Roy d'Espagne favorisera ses affaires de Portugal et de Flandre, et est a craindre qu'en mesme tems le Duc Cesar n'ait a defendre sa maison. Qui ne pourroit a ces grans desirs, il est certain, que bastant ou abbatant les dits Prince et Princeesse, qu'on estime estre tout le secours et support de ceux de la Religion, qu'ils seroient pour endurer beaucoup tant en Flandre que en France, d'autant que le Roy quelque aliene qu'il soit de la guerre y seroit tiré par force. Dieu y recueille pouruoir et nous mainteint en pais, lequel je prie


Monseigneur donner a vostre Ex.^{ce} en parfaite sante bonne & heureuse vie. De Paris ce xv. de May. 1579

De V. Ex.^{ce}

Trestumble & tresobeyssant seruiteur

D. T.

273.



15 May 1579

A. Monseigneur.
Monsieur le Prince d'Orange

1579
15th May